



Aankh barsi hai tere naam peh sawan kee tarha  
Jism sulga hay teri yaad main eendhan kee tarha

Loryan dee hain kisi qurb kee khwashish nay mujhe  
Kuchh jawanee kay bhee din guzray hain bachhpan kee tarha


Is bulandi say mujhe tu nay nwaza kwon tha  
Gir kay main toot gya kaanch kay bartan kee tarha

Mujh say milte huay yeh baat bhee sochee hoti  
Main tere dil may sama jaoonga dharkan kee tarha

Ab zulaikha peh nah ilzaam lage ga koe  
Us ka daman bhee dareeda mere daman kee tarha

Muntazir hai kisi mukhsoos see aahat kay liyay  
Zindagi baithee hai dehleez peh birhan kee tarha

Nah koi raah ujaali, nah shabistaan main jala  
Tintimaata hoon charagh-e-sar-e-madfan kee tarha



[Index of Tesha-e-Kurb](#)

[Home](#)